

53. 1295 00 00, Rom

https://www.monasterium.net/mom/IlluminierteUrkunden/1295-99-99_Darmstadt/charter

1295-99-99, Rom

Bischofsammelindulgenz für die Pfarrkirche zu Wimpfen:

Sieben genannte italienische Erzbischöfe und Bischöfe gewähren allen bußeifrigen Gläubigen, welche die zu Ehren der Jungfrau Maria erbaute Pfarrkirche zu Wimpfen am Berg in der Diözese Worms, an bestimmten Festtagen besuchen oder sie durch Stiftungen und andere Wohltaten unterstützen, Ablassse von vierzig Tagen, sofern der Diözesanbischof dazu seine Zustimmung gibt.

Eingehängt als Transfix ist eine Bestätigungsurkunde des Bischofs Emicho von Worms von 1298.

Transkription

Universis christi fidelibus presentes litteras inspecturis Nos dei clementia Rogerius Sancti Severini et Philippus Salernitanus archiepiscopi. Frater Maurus Amelien-sis. Franciscus Terracinensis. Guillelmus Callensis. Perronus Larinensis et Jacobus Treventinus eadem gratia Episcopi, salutem sempiternam et fructuosam in eo karitatem qui est omnium vera salus Gloriosus deus in sanctis suis in ipsorum glorificatione gaudens in veneratione beate Marie virginis eo iocundius delectatur quo ipsa utpote mater eius effecta meruit altius ceteris sanctis in celestibus collocari. Cupientes igitur ut Ecclesia parrochialis in monte Wimpinensi Warmaciensis dioce-sis que in honore Beatissime Marie virginis est fundata congruis honoribus frequentetur et iugi christi fidelium frequentatione veneretur omnibus vere penitentibus et confessis qui ad dictam ecclesiam in singulis festivitibus seu diebus subscriptis videli-

cet Nativitatis, Purificationis, Assumptionis et annuntiationis
 Gloriosissime virginis Marie dicte ecclesie patrone. Nativitatis,
 Resurrectionis et Asscensionis domini nostri Jhesu christi,
 atque Pentecostes Beatorum Petri et Pauli et aliorum omnium
 apostolorum Sancti Nicolai confessoris Beati Georgii martiris
 Sanctarum Margarete et Katherine atque undecim milium
 virginum Beate Marie Magdalene in anniversario dedicationum
 eiusdem ecclesie ac altarium in ea existentium in festo omnium
 sanctorum ac per octo dies predicta festa immediate sequentes
 Causa devotionis seu peregrinationis et in spiritu humilitatis
 accesserint aut qui ad fabricam seu reparationem ornamenta
 luminaria aut ad alia necessaria ipsius ecclesia manus por-
 rexerint adiutrices aut in extremis laborantes quicquam suarum
 legaverint facultatum, seu qui secundum evangelice doctrine
 exhortationem, qui sequitur me non ambulat in tenebris set
 habebit lumen vite presbytero predicte ecclesie cum sacra
 com(m)unione vel unctione infirmos instante devotam fecerint
 cum reverentia communitatem. Nos de omnipotentis dei miseri-
 cordia et beatissime genitricis dei Marie atque Beatorum Petri et
 Pauli apostolorum eius auctoritate confisi singuli singulas
 quadraginta dierum indulgentias de iniunctis sibi penitentiis
 Dummodo loci diocesanus ad id suum prebeat consensum in
 domino misericorditer relaxamus. In cuius rei testimonium sigilla
 nostra presentibus duximus apponenda. Datum Rome anno
 domini Millesimo Ducentesimo Nonagesimo quinto Pontificatus
 domini Bonifacii pape VIII. anno primo.

1)
**Universis christi fidelibus presentes litteras
 inspecturis Nos dei clementia**

2)
 Rogerius Sancti Severini et Philippus Salernitanus archiepis-
 copi. Frater Maurus Ameliensis. Franciscus Terracinensis.
 Guillelmus Callensis. Perronus Larinensis et Jacobus Treven-
 tinus eadem

3)
 gratia Episcopi, salutem sempiternam et fructuosam in eo
 karitatem qui est omnium vera salus Gloriosus deus in sanctis
 suis in ipsorum glorificatione gau-

4)
 dens in veneratione beate Marie virginis eo iocundius delectatur
 quo ipsa utpote mater eius effecta meruit altius ceteris sanctis
 in celestibus collocari. Cupientes

5)
 igitur ut Ecclesia parrochialis in monte Wimpinensi Warmacien-
 sis diocesis que in honore Beatissime Marie virginis est fundata
 congruis honoribus frequentetur

6)
 et iugi christi fidelium frequentatione veneretur omnibus vere
 penitentibus et confessis qui ad dictam ecclesiam in singulis
 festivitatibus seu diebus subscriptis videlicet Nativitatis,

7)
 Purificationis, Assumptionis et annuntiationis Gloriosissime
 virginis Marie dicte ecclesie patrone. Nativitatis, Resurrectionis
 et Asscensionis domini nostri Jhesu christi,

8)

atque Pentecostes Beatorum Petri et Pauli et aliorum omnium apostolorum Sancti Nicolai confessoris Beati Georgii martiris Sanctarum Margarete et Katherine atque

9)

undecim milium virginum Beate Marie Magdalene in anniversario dedicationum eiusdem ecclesie ac altarium in ea existentium in festo omnium sanctorum ac per oc-

10)

to dies predicta festa immediate sequentes Causa devotionis seu peregrinationis et in spiritu humilitatis accesserint aut qui ad fabricam seu reparationem ornamenta

11)

luminaria aut ad alia necessaria ipsius ecclesie manus porrexerint adiutrices aut in extremis laborantes quicquam suarum legaverint facultatum, seu qui secundum evangelice doctrine

12)

exhortationem, qui sequitur me non ambulat in tenebris set habebit lumen vite presbytero predicte ecclesie cum sacra com(m)unionem vel unctionem infirmos instante devotam fecerint

13)

cum reverentia communitatem. Nos de omnipotentis dei misericordia et beatissime genitricis dei Marie atque Beatorum Petri et Pauli apostolorum eius auctoritate confisi singuli

14)

singulas quadraginta dierum indulgentias de iniunctis sibi penitentiis Dummodo loci diocesanus ad id suum prebeat consensum in domino misericorditer relaxamus. In

15)

cuius rei testimonium sigilla nostra presentibus duximus
apponenda. Datum Rome anno domini Millesimo Ducentesimo
Nonagesimo quinto

16)

Pontificatus domini Bonifacii pape VIII. anno primo.